

FOGHILES E COROS

Est de cristallu a manzanada,
oe, s'aera;
e cantas biddas s' 'iden
da-e s'altura.

E foghiles e foghiles
azzesos e istudados...
E coros e coros palpitantes...
Pienos de disizos e isperas,
bramosos de amore e de paghe.

E attesu, attesu,
sos montes niados,
allughidos da-e su sole,
chi s'aurora hat isgiaridu
in custa die noa,
cun s'ultima diosa;
e chi solvend'est su nie,
paris cun sos afficos.

E su 'entu, malandrinu,
nd'est carrende e lassende...
solu frittu.

FOCOLARI E CUORI

*È di cristallo in mattinata, / oggi, l'aria; / e quanti paesi si vedon / dall'altura.
/ E focolari e focolari / accesi e spenti... / E cuori e cuori, palpitanti... / Pieni di
desideri e speranze, / bramosi d'amore e di pace. / E lontano, lontano, / i monti
innevati, / illuminati dal sole, / che l'aurora ha schiarito / in questo giorno nuovo,
/ con l'ultima dea; / e che sciogliendo stà la neve, / assieme alle speranzose attese.
/ E il vento, malandrino, / sta portando e lasciando... / solo freddo.*